

上清靈寶大法卷之四十四

圖二

洞微高士開光救苦真人壽金具授

上清三洞弟子靈寶領教嗣師王契真纂

齋法符篆門

救拔亡魂章

師曰凡欲修建大齋普度幽冥須奏告上玄先行救拔之法惟在上章拜表肆赦頒符然後方可開壇行事蓋法中有赦有錄有簡有誥有符有券皆依次而告行是故於預告之時則上救苦表頒九龍符青宮誥以次上素車白馬章則頒普告三界誥上破酆都開業道章則頒酆都拔贖誥元始符命誥太上救赦救苦符破地獄符拔幽魂符三官簡九幽玉白二簡等齋事扣期則上開通道路章頒玉皇誥敕制地祇誥建齋之後上沐浴煉度章頒金液煉形誥雷文誥生天籙長生符等以次上昇度亡魂章頒歷關諸天誥凡諸符誥皆可依類告行不可混雜先後宜以意消詳况符契乃上天之真命幽冥得之莫不遵承今

按齋法條具如左

太上救赦生天寶籙

法曰先於靖室冥心靜坐依法內煉畢方上香面北長跪默奏玉晨道君南斗星君南上諸真乞降生天救赦容臣書篆按式頒行如法口奏畢心存九拜想天門三重金光煥然中有金闕見玉晨雍容左右侍真羅列方默奏九拜良久見慈顏懽悅救玉童玉女捧寶匣自百寶光中下降案前光芒如日照徹天地次啓匣敷開寶籙一如請降之數便吸入籙紙中合而為一存朱筆硯中皆有光明方叩齒三通三拜而退面東平坐小息令神炁俱定次左手拍都監訣四指右手執筆香上呪曰
无上玄元太上道君教臣行符照破幽獄死魂出離得親光明急急如律令

右呪五千遍吸天門青黃白三炁入筆及朱紙之中先書无上等篆二十八字次左手拍南斗訣于魁中魁中魁上魁中魁上魁中魁存六星如日輪初出之狀自南而下

光明无極訣入籙中存六星光芒透入籙中與籙之六星合而為一透底有光次左手拍離文取其光入筆先書六星諱

運處明同宰御天稟質天陰陽天

位尊勝陶魂鑄魄曲救九幽魂幽魂

次用六宮真號塗之每星六轉

天府司天相司天梁延天梁延

命真君錄真君壽真君壽真君

天童益天樞度天機上天機上

次叩齒一十二通引炁祝曰
大行梵炁周迴十方中有度人不死之神止無量度人急急如

上帝律令敕

右念此呪以筆述星罡筆盡呪盡吹炁別訣次書下四字念唵哈吒唎九遍搗中文存天門金光如長虹入籙透底光明次下筆

唵吟吒咧



右念此四字為呪不計其數又念四字每一字四轉塗之共一十六轉別筆上出次以一筆挑上蓋之呪曰

元始符命 時刻昇遷 亡魂受度 立便生天 急急如

元始上帝律令敕

取天門金光入挑玉清訣發筆存金光道 悉自訣迸出符金光燦於十方度生濟死 隱書每一字念太上慈悲呪三遍又有(天覆)地仰二筆蓋每字上又於此二筆上轉筆九次呪曰

吾奉太一救苦天尊敕行

九插筆再取 青玄炁吹

已上四字或真書或對書或疊書皆有說

此乃玉晨祕諱元始乃玉晨之師故用元始律令亡者得之无不生天故為生天寶籙書訖祝之

祝呪

南上六星 出幽入冥 吾奉帝敕 速監生靈

南昌上籍 即得返魂 急急如律令

總呪

太上道君 敕付崑崙 神符一下 拔度死魂 急急如律令


右此呪不以遍數多念為妙更加前面祕

諱符呪祝之再吸天門金光萬道入籙中 剔中文存星光交纏朗然如日內外洞徹 再上香叩齒九通三拜跪奏重行請降亦 依前存用若臨壇告行亦如請降存用祝 遣焚之存籙中金光照徹十方九幽泉曲 無不煥赫一切罪魂俱觀光明離苦登真 矣

籙總式

无上玄元太上救赦生天寶籙

告下十方三界天牢地獄主者



度人不死之神
南極長生之君
度世司馬大神
好生韓君丈人

无 上 真 玄 元

玉 晨 道 君

教 臣 行 符

照 破 幽 獄

死 魂 出 離

急 急 如 太

上 律 令 敕

具法位臣姓某據入意據詞難抑除已節次 飛奏天廷取旨頒行外尚慮所薦亡魂宿愆

深重未該赦原拘繫冥曹難已受度乞宣降
太上敕赦生天寶錄拔贖罪魂出離苦趣今
準敕命告行者

右奉

太上敕赦生天寶錄告十方三界天曹地

府山川海嶽泉曲冥關北都羅鄧六洞十宮
三官九府百二十曹鬱絕之鄉幽塗之境諸
大地獄九州分野福地名山城隍社令神物
司臨之所仙曹典錄之墟較量罪福考察功
過一切天牢地獄主者咸領符命救赦亡過
其及受度亡魂九州孤爽冥司地獄陰曹幽
扁罪冤苦癸生前所造三業六根塵勞諸罪
殺後受報冤愆應是故為誤犯或手弑君父
不孝二親或誹謗大道背真就偽或殘傷兄
弟謀反師尊或六親通同姪犯骨肉或為劫
賊殺害人命或屠割眾生自饒一身或以強
凌弱以貴虐賤或浮好三寶執心不專或輕
慢法師穢賤靈文或心懷陰賊安忍嫉妬或
惡口兩舌鬪亂善人或殺生淫祀裸露三光
或心生或口語或自作或教他積劫以來所

有諸罪承此太上慈恩並與疾除罪簿落滅
惡根不得拘留徑出地獄永離幽陰皆證妙
果如擔砂負石漣汲溟波之衆驅雷役電掃
山穿地貫天引水之徒並與斷地逮役未使
逍遙即令上伴亡魂七炁成真六儀運虛五

靈續絕二曜扶衰旋網躡空飛步雲宮胚胎
有始塵劫无終金城孕質玉洞凝神真炁內
養以成真人上入太虛下洞幽泉雲宮寶闕
中有真魂出入福鄉周旋生門咀嚼靈芝灌
漱金泉甘露川流懸澍丹田紫霞朝映三炁
凝煙瓊室化仙安座金蓮真儀掩日塵劫為
年一如告命

太歲 年 月 日吉時告下

具法位 臣 姓某 承誥奉行

天樞上相

天機內相

泰玄上相

天機上相

東極宮中太一救苦天尊

萬劫應化真元教主太上老君

內封式

太上敕赦生天寶錄 具位 臣 姓某奉行謹封

內封背書

救赦亡過某等魂

外函式

太上敕赦生天寶錄告下

三界十方天牢地獄主者 具位 臣 姓某謹重封

右錄告下陰曹釋赦无間罪業錄用黃紙

朱書高九寸後用白紙繳告文大字墨書

內外封函並用青紙朱書於拜鄧都赦罪

章後告行

赦文式

今月某日奉

太上玉晨元皇大道君靈寶天尊救降下為

高功某奏乞為列詞請降太上敕赦生天寶

錄開光長夜原赦罪魂今奉

太上敕命告下者

右錄同前用黃紙朱書赦文用黃素墨書

並用黃紙作內外封告二十道九州用九

道十方十道一道專度亡魂姓名讀訖焚

之即得赦宥萬罪千愆受煉更生
又一法凡普度眾冤及六道孤冤以黃紙
長九寸闊三寸亦依前書救赦生天錄別
有告文作五行書隨所度名數出給多少
依太極仙翁祭煉法行

生天寶錄救苦天尊寶券

青玄救苦 大慈憫救
救命告行 九夜咸原 散形
隨念 三光真精 玄神
尋聲 普度罪冤 救苦

太乙救苦 丹天 北府
天尊九聲 三炁 消名

玄元 灌漑 二象
祖炁 身形 四顧


紫雲 亡冤兼救時刻昇
覆身 遷天門炁吹再書 奄全七利

念四字為呪疊書 元始符命時刻昇遷
每字各轉筆九市 亡冤受煉立便生天
天門炁 觀見光明速生天界 轉
急急如救苦天尊救 等

十市拂筆十次再念十 玉寶皇上天尊印
方天尊號隨方招訣 玄真萬福天尊午
太妙至極天尊酉 玄上玉晨天尊坎
好生度命天尊巳 太靈虛皇天尊申
度仙上聖天尊寅 玉虛明皇天尊乾
无量太華天尊亥 真皇洞神天尊巽


三市 玉清大帝救慧光一到 上清
幽牢罷對速生天界 大帝

救慧光一到幽牢 三市 太清大帝救慧光一到
罷對速生天界 幽牢罷對速生天界
存光芒照耀天地



度亡冤告文


右太上生天寶錄給付某人收執徑詣所屬
請乞王者遵依太上救命即使時刻昇遷一
如告命
度孤冤生天錄式



太上生天寶錄超度合受度孤冤出離幽夜
隨果往生主者遵依符命施行
太歲 年 月 日告下
具法位 姓某奉行

又式

太上生天寶錄



右奉
寶錄給付合受度孤冤徑詣所屬曹局請主
者遵依
太上救命即與隨品受生託化人天一如告

命

太歲 年月 日時告下

具法位 臣 姓某 承誥奉行

度師東極宮中大慈仁者太一救苦天尊

牒式

泰玄都省 牒 九幽掌宰 何都承子舉

當省奉帝敕四大幻骨肉之軀儻能不死

一元攝形氣之會莫大好生故凡玄範之

昭回翳匪皇風之滲漉幽都黑壤蓋警背

正以趨邪上宮紫微以待超凡而入聖限

界本別趨向奈差驟意馬而逐心猿七情

不返溺愛河而淪苦海萬劫彌深彼爾林

林仰何昧昧經科三十六部明如幽室張

燈職守百二十曹詳於廣幅施尺無非與

物為作好因今有具位某奏為入志附薦

宗親外姓往化願度十方旁資六道報本

反始既知存誠以事天錫類推恩宜與舉

斯而加彼用頒符籙大示寵綏除犯非天

毀道叛君逆親不以赦原減外其餘在水

在陸若顯若幽或故或新無小無大準今

元始符命並與等差減降原免者

一齋官某所正薦某或生前有念慮差忒

行事違誤處準今符命時刻昇遷

一齋官某所同薦某既已數該赦宥無罪

可原準今符命更與進昇仙品

一齋官某所附薦本宗自高曾以下止于

弟姪應自死而未得解脫或已生而復

墮輪迴者準今符命並與品量該度超

昇

一齋官某就壇普度一切男女等魂不論

遠近準今符命並與赦罪往生

一應恃勢作威陷人於死妄開邊隙以殺

無辜貪財劫掠貨藥毒人悖亂人倫姪

犯六親準今符命並與減降一等

一應犯三光厭惡風雨故殺物命陰私設

謀損害人命誅降殺伏侍師失律辜法

妄殺負財欠命見坐報對者準今符命

並與品量故誤照赦原減

一應一切冤鬼死於非命無辜國法天憲

戰聞枉梏沉溺懸墜瘟疫瘡毒產難自

殺吞噬傳症迷戀驚畏殘廢血光十相

不完等衆及其他色目條列不盡不論

有主無主見在沉淪者準今符命並與

釋放隨品開度

一應飛走潛動元是人身今墮輪迴未正

本相準今符命並與品量託化

一應山林窟洞有學道煉形以符籙藥石

救人元功未就竟歸鬼錄者準今符命

所屬保明特與昇度

一應村疇里社忠臣孝子山林廟食祀典

諸神能徇民祈禱保護福澤者準今符

命許所司保明例與昇遷

一應黃籙齋壇受事奉命隨法輔教神將

官兵功曹土地等神及中下界有預曹

局準今符命例與進陞

一品其餘所犯自今月某日昧爽以前已

發覺未發覺已報對未報對咸赦除之

於戲上天之載無聲扣之則應下民之

孽匪降昧者自貽期務小心以將大賚

赦書到日主者施行

牒奉

敕書如右條到請翻錄遍牒合屬去處疾速遵照施行其有奉命不虔並依律論故牒

又牒

泰玄都省 牒 九幽掌宰 喬知府勿聞

敕門下撫御有形之衆類廓垂無劫之丕基陽冥在覆露之中生死屬權綱之下物所尚者人為貴焉始昇性之善良終流心於頑獷徇六情積成三業差一念遽入九幽天網恢恢憲章凜凜羈留惡圖囚繫幽

牢赦未該原恩無踈放庸示勸懲之道特頒拯拔之仁矐大教之宣行憫衆生之淪滯匪加黜陟曷表生成錫命玄都分符曲府勅萬神而敬聽付主者以奉行當省據高功其奏為齋官其人報薦其開建昇度九幽大齋修設冥陽淨醮廣崇善利普拔沉淪仰祈天恩俯垂昇濟伏取敕旨事牒奉三天門下敕大德本於好生用廣滌瑕之澤至誠可以事帝俯從濟衆之求下寬大之敕文布昭慈之宸貺頒符曲府昧爽

咸恩播告於先要約記後

一敕文自今月某日昧爽以前除犯誣天毀聖冒律違科反道亂常陰謀劫殺罪大惡極律所不赦其餘罪衆已結正未結正已發覺未發覺已受苦未受苦已報對未報對並準元始符命咸赦除之

一應囚繫去處久被嚴刑深沉惡趣雖需恩霈未沐赦原或能悔過自新屏惡向善不以罪業深重準今敕命持令隨品受生

一應五嶽大川九幽都府城隍社令泉曲河源郊野址墟邪途異域棲滯滯鬼總總孤冤百家九流四生五道血湖罪爽夫橫傷亡無倚無依難名難狀漂流幻海沉溺愛河展轉輪迴未能解脫準今符命悉與超昇

一應陽間棘寺州縣獄司廂幕市曹戰場土寨其有罪衆拘縛致殞究對而終犯憲遭刑被兵歿陣留連未釋超脫無由照準敕文咸令受度

一應諸遊奕之神五通木野之類依憑草木淫亂生靈假借妖精妄求血祀致干天律收攝玄司知過能悛並與比附原情咸從釋放仍仰所在里域神司昭諭俾歸正道以俟寵綏

一應靈壇社廟血食神祇衛護人民匡扶境域恢張山嶽主理川源顯立功勛徇民祈禱準今敕令仰逐部保舉例與推恩

一應山林巖洞幽谷異人訪道求師修真鍊性拯幽拔滯濟苦恤貧上類天心下賙人急至於忠烈孝義威武仁慈廣積陰功衆所推敬雖終上壽未陟仙鄉準今敕令宜令所屬遍行根剎速與保奏照格陞遷

一應崇修黃籙廣濟無邊仰三界司察靈官黃籙院昇度主者紀錄功勳超乎正薦併資祖禰內外宗姻旁及附薦異姓亡靈均被宸恩同登道境無拘地戶昇陟仙階

一應臨壇將帥效職官君監衛齋壇輔贊
道法神功受命隨事立功照準玄科並
與遷爵一品

一應三元九府五嶽四司鄴都九幽泉局
以下掌生死罪錄之官主典刑執罰之

吏城隍社令里域土司地道驛傳等神
諸處管押將佐依準玉格各與進秩一

階

一應赦文該載不盡名目繁多律無明文
並與比類放行

一應冥司去處輒以赦前事再舉拘連亡
者以其罪罪之於戲奉天光而頒帝命
有感必通塞死戶而開生門無所不度
赦書到日主者施行

右牒奉

赦赦如前宣令九幽掌宰疾速翻錄行下合
屬去處遵依敕令施行故牒

太歲 年 月 日

具法位 臣姓某 準行

具列天省八相

赦赦二字

玉清上帝 上清大帝 太清大
廣救無邊 釋宥離冤 帝普掠

重 玉皇上帝 諸天降詔
泉 罪考俱原 羅山絕然 途

五苦九幽鄴泉普皆解脫釋 無主孤
絕攀緣急急如玉清上帝赦 寬上昇

三天有宥有 廣救重陰 左原沉
結善皆除錮 與天齊年 墮男女

陰鬼右赦水 冰城燃炭雪扇幽泉陽
城悉皆聞宣 光破燭並赴十天有功

有命上奏三天有惡有逆準命赦原今日
救命時刻昇還北都寒地部衛形寬制魔
保舉度品南宮十天告命風火無停幽關
罷考爐炭絕煙不得有違冥曹合同準赦

遷神急急如元始上帝赦

赦赦

右三宮訣午文出放筆了發十天訣捧赦

赦書

泰玄都省牒

本省奉

三天門下 朱書據高功某奏為入意今
準

帝旨代天奉行

書符

道言元始符命自龍漢之劫方傳隱韻秘
文乃浮黎之天受度迴骸起死白骨成人
煉炁保真丹書列字爰從沉淪之苦貪逐
世緣遂將澄湛之機浸成業海千生萬死
受報陰關十地九泉不開長夜致真司之
列奏祈恩霈之普施我道至慈在深憫惻
宜從所請用示洪私可頒赦下鄴都應亡
過甚等從前或有所犯違天負地不孝不
忠不仁不義故殺誤傷六情六慾之罪不
以輕重咸赦除之一依符命出離幽陰上
登福境應九泉罪寬三途苦爽違天毀聖
故作悞為為臣不忠為子不孝縱傷物命
陰毒損人罪無輕重已未發覺曾未結正
咸赦除之其餘六道四生無主孤冤等眾

隨緣昇度越福受生解釋冤仇永資逸樂其臨壇靈官典者將佐小吏直符直吏各遷爵一品鄴都長夜牛頭獄卒諸大鬼王九幽都司城隍里社在時用事官將主者各進秩一階從今以去如遇修建黃籙大齋濟度幽冥一如今來格降施行赦書行周天界通詣重泉敢以赦前事告者以其罪罪之主者施行於戲大道之靈在神明之顯化至仁之德庶幽暗之普霑凡厥有情稟茲元造毋或自怠以取譴訶施行

牒奉

赦書如前宜令鄴都疾速徧牒施行仍關申合屬去處牒至準

救故牒

太歲 年 月 日 告下

法位 臣 姓 某 承諾奉行

列八相位

封式

秦玄都省牒 九幽掌宰

詔書

秦玄都省

敕門下罪疑惟輕功疑惟重自昔帝者之世訓迪士師之官以虞舜之宅心體臯陶之邁德尤重人命深用哲刑民協于中欲從以治繁爾士庶職在地司間召二三之臣以較大小之獄猶慮簡戒未授新故相仍稍加煥勵之威莫測生成之德悉宜肆赦咸與惟新俾會觀關之前獲聞道德之要惟爾典憲體予至懷故茲詔示想宜知悉



據某人入意切慮亡魂生存之日旋積罪尤亡殺之後必拘幽夜雖屢伸於薦拔恐未遂於超昇

一 正薦某

一 附薦某等

一 普薦五姓孤冤陣亡官兵等衆男子

三 冤七鬼女子三冤一十四鬼



右奉

告下考官之庭者

敕宜令三界所屬考校罪冤諸司特與省罪疾速津發前項亡過某等冤以今月某日前來齋所面觀

慈尊親受開度蓋元始上帝度人功大風火不停準教如右牒至準式奉行故牒

太歲 年 月 日 時 告下

法位 臣 姓 某 承諾奉行

省主三天扶教正一靜應真君

封式

秦玄都省牒 鄴都主者

右詔書赦書二件非齋法所載往往後人自撰既諸方流傳久矣不用刪去今併存之若用時當於預告先行詔書了扣期却行赦書與救赦同時預告其詔赦並用高頭黃紙大字書內有 齋字與符命及篆文

朱書都用繳赦牒遣赦牒發赦關之類見並
門章

東極青宮太乙寶誥

長樂天中
長樂天中

東極官赤
東極官赤

玄光內吉紫
玄光內吉紫

金容大聖
金容大聖

神道廣度
神道廣度

沉倫九幽
沉倫九幽

教主大慈
教主大慈

仁者尋聲
仁者尋聲

赴威應念
赴威應念

垂慈億億
垂慈億億

劫中無量
劫中無量

度人度慈
度人度慈

大慈大智
大慈大智

大慈大悲
大慈大悲

救苦天尊尊
救苦天尊尊

右奉

太一寶誥伏請地獄諸司冥曹主者遵承救
下開度亡幽俾令受度主者敬聽恭稟誥命
準此奉行

太歲 年 月 日吉時告下

法位 臣 姓 某承誥奉行

東極宮中大慈仁者太一救苦天尊

金闕玉皇寶誥

靈寶大法司

今月某日恭奉

玉皇睿教頒下玄文寶誥度脫罪冤超昇

玉京者

金闕仙籙
金闕仙籙

監真度生
監真度生

玉皇寶誥
玉皇寶誥

靈太 危上 臨彌 窟羅

靈無 上天 元妙

啟有 真玄 通真 境境

赫妙 赫妙 靈紫 陽金

爾關 威太 勳微 靈王

靈清 靈宮 靈無 靈極

靈無 靈上 靈聖 靈麻

靈落 靈法 靈光 靈明

靈寂 靈寂 靈浩 靈無

靈宗 靈元 靈梵 靈總

靈十 靈方 靈灌 靈寂

靈具 靈常 靈道 靈恆

靈漢 靈大 靈神 靈通

靈玉 靈皇 靈大 靈天

靈尊 靈玄 靈穹 靈高

靈上 靈帝

右奉金闕仙籙玉皇唐誥伏請靈寶至真十方上聖依靈寶度人之典施迴骸起死之功救下九幽俾苦鬼行開泰誥行諸地令滯爽以霽恩主者奉行恭稟誥命準此奉行

太歲 年 月 日 時告下

法位 臣 姓 其承誥奉行

玉皇天尊玄穹高上帝

靈寶鄧都拔罪真誥

靈寶大法司

今月某日恭奉

玄誥拔贖罪鬼往生

南宮者

靈鄧 靈都 靈受 靈制

靈今

靈茫 靈茫 靈鄧 靈都

中 重 重 金

剛 山 靈 寶

無 量 光 洞

照 炎 池 煩

七 祖 諸 幽

鬼 身 隨 香

雲 與 定 慧

青 蓮 花 上

生 神 水 安

功 德 金 色

光 微 微 開 井 開

幽 關 華 池

疏 真 香 蓮

蓋 隨 雲 浮

干 靈 重 元

和 常 居 十

樓 息 宣

靈 寶 自 自

在 天 空 遊

右奉

太上玉文鄴都符命拔除眾罪贖命幽都萬

神敬從永無執繫衆

天尊之慈命脫地獄之拘留託質仙都常居

樂境準此奉行

太歲 年月 日 時告下

法位 臣 姓 某承誥奉行

右諸誥命並用黃紙朱書告文墨書外用

封函如式

上清靈寶大法卷之四十四